

Halka Suroor Mukammal Lyrics - Yeh Jo Halka Halka Suroor :

Singer - [Nusrat Fateh Ali Khan](#)

Lyricist -

Music -

Music Label -

Saaqii ki har nigaah pe bal khaa ke pee gayaa
Laharon se khelataa huaa lahraa ke pee gayaa
Ai rahmat-e-tamaam meri har khata muaaf
Main intehaa-e-shauq mein ghabraa ke pee gaya
Peetaa beghair izn ye kab thii meri majaan
Dar-pardaa chashm-e-yaar kii shah paa ke pee gayaa
Zaahid ye merii shokhi-e-rindaana dekhnaa
Rahmat ko baaton baaton mein bahlaa ke pee gayaa
Oodi oodi ghataein aati hain
Mutribon ki hawaein aati hain
Kis ke gesu khule hain saawan mein
Mehki mehki hawaein aati hain
Aao sehn-e-chaman mein raqs karein
Saaz lekar ghatein aati hain
Dekh kar unki aankhon ko adam
Maikadon ko hawaein aati hain
Paas rehta hai duur rehta hai
Koi dil mein zaroor rehta hai
Jab se dekha hai unki aankhon ko
Halka halka suroor rehta hai
Aise rehte hain wo mere dil mein
Jaise zulmat mein noor rehta hai
Ab adam ka wo haal hai har qadam
Mast rehta hai choor rehta hai
Ye jo halka halka suroor hai
Ye teri nazar ka qusoor hai
Ke sharaab peena sikha dia
Tere pyaar ne teri chaah ne
Teri behki behki nigaah ne
Mujhe ek sharaabi bana dia
Sharaab kaisi khumaar kaisa
Ye sab tumhari nawazishein hain
Pilayi hai kis nazar se tuune
Ke mujhko apni khabar nahin hai
Saara jahaan mast jahaan ka nizaam mast
Din mast raat mast sahar mast shaam mast
Mast sheesha mast suboo mast jaam mast
Hai teri chashm-e-mast se har khaas-o-aam mast
Ye jo saqi har tarah ki tere maikhaane mein hai
Wo bhi thodi si jo in aankhon ke paimaane mein hai
Sab samajhta hun teri ish ?? nazar ai saqi
Kaam karti hai nazar naam hai paimaane ka
Tera pyaar hai bas meri zindagi
Na namaz aati hai mujhko na wuzoo aata hai
Sajdaa kar leta hun jab saamne too aata hai
Main azal se bandaa-e-ishq hun
Mujhe zuhd-o-kufr ka gham nahin
Mere sar ko dar tera mil gaya
Mujhe ab talash-e-haram nahin
Meri bandagi hai wo bandagi
Jo ba qaid-e-dair-o-haram nahin
Mera ik nazar tumhein dekhna
Baa khuda namaz se kam nahin
Tera pyaar hai bas meri zindagi
Qayamat mein tera dagh-e-muhabbat lekar uthuunga
Teri tasveer us dam bhi kaleje se lagi hogi
Kyunki
Tera pyaar hai bas meri zindagi
Teri yaad hai meri bandagi
Jo teri khushi wo meri khushi
Ye mere junoon ka hai moajzaa
Jahan apne sar ko jhuka dia
Wahan maine kaaba bana dia
Mere baad kisko sataaoge ??
Dil jalon se dil lagi acchi nahin
Rone walon se hansii acchi nahin
Dillagi hi dillagi mein dil gaya
Oh mere dil gaya dil gaya dil gaya
Khuda ke liye apni nazron ko roko warna
Mera dil gaya dil gaya dil gaya
Meri tarah khuda kare tera bhi kisi per aaye dil
Too bhi kaleja thaam ke kehta phire ke haye dil
Mera dil gaya dil gaya dil gaya
Dillagi hi dillagi mein dil gaya
Dil lagaane ka nateeja mil gaya
Main to rota hun ke mera dil gaya

Tum kyun hanste ho tumhein kya mil gaya ??

Accha phir.....

Mere baad kisko sataaoge ??
Mujhe kis tarah se mitaäoge
Kahan jaa kar teer chalaoge
Meri dosti ki balayein lo
Mujhe hath utha kar duaayein do
Tumhein ek qaatil bana dia
Mujhe dekho khwaish-e-jaan-e-jaan
Main wahi hun anwar-e-neem jaan
Tumhein itna hosh tha jab kahaan
Na chalao is tarah tum zubaan
Karo mera shukria meherbaan
Tumhein baat karna sikha dia
Ye jo halka halka suroor hai
Ye teri nazar ka qusoor hai
Ke sharaab peena sikha dia